

吳

興

詩

話

吳興詩話卷七

烏程戴璐菴塘輯

乾隆元年

召試博學鴻詞直學錢

陳羣

舉沈澗江督

舉孫見龍浙江舉嚴遂成沈炳謙孫貽年禮侍王

絀舉

戴永植嚴以丁艱未試五人皆試未入選炳謙字幼牧

號勞山集未之見家藏贈先祖五律云公輔聲華二十

年台階氣象映星躔文章久已輝三殿經濟行看濬百

川繡斧霜清臨晉地霓旌風動耀吳天寒江一接春溫

度斗覺陽和暖律旋峻望清標孰頡頏峩峩威鳳翮高

岡南牀諫紙留青瑣西掖封章記阜囊此日歡闐迎竹

馬當年惠愛在甘棠平反陰德同廷尉門闕應知百世

昌郊居賦就宛雲邨窗對南山水繞門向友遠懷蘇學

士卜鄰近接趙王孫

草堂在趙文敏蓮花莊對岸名雨漸成取坡公五畝漸成終老計

餘荷氣通書幌風動槐花落酒尊好與吳興添掌故癸

辛他日記名園東山暫卧樂無涯絲竹何煩暢好懷萬

卷書倉高插架一枝玉樹秀臨階孟韓聯句詩篇富王

謝風流子弟佳野客倘容來問字待攜藜杖與芒屨鄉

社粉榆缺倡酬轉從江許挹風流印泥玉濯浮蕢蓋鮮

鯽銀絲出柁樓誰惜琴材將作爨幸陪仙侶託同舟

馮

里秀才

在座勞生蹤迹知何定浩蕩煙波羨白鷗是時在棠

湖舟次卽席所作後偕赴潯州將先祖詩稿倚橈吟諷

適過危灘稿沉于水故先祖集不全

嚴海珊懷人詩沿溪槩打白萍開坐月譚深漏鼓催酣  
儘一門無我法詩兼三筆有卿才擡頭帛倚張華笑拍  
手花隨陸賈迴投老傭書貧轉甚北轅重與上金臺注  
君善飲必盡室樽空乃止與兄有孝威孝綽之目從卯  
君太守入粵歸裝滿貯端硯不知金之已盡也貽年字  
穀人辛未 召試列二等一名終諸生史大令 園 字象  
周號立山歸安人乾隆丙辰翰林出鄂文端公門下西  
林集有丁巳上元同史象周陳星齋夜話得軒字詩云  
令節成吾懶重門隔世喧校書懷上座借月過東軒簫  
鼓誰家曲寒宵此夜尊那無燈一盞蕭索正堪論散館  
改上杭知縣詩選同館試帖

費通參

元龍

字紹登號雲軒俊曾孫丙辰進士由南部

令歷四川按察使內用通政司參議嘗題余秋樹讀書  
圖有插架縑緗憶漸成曾陪清醴侍耆英之句假歸時  
同鄉各贈以詩沈東田云卸卻朝衫製芟衣肯教心事  
與初違星光直逼三能象風力還憑六鷁飛苓阜陰濃  
盧橘熟菱溪水漲鰕魚肥午橋添箇陳蕃榻待我春融  
緩緩歸 半世馳驅蜀道難一篙秋水潞河寬小園日  
涉成佳趣塵網全拋卽便安舊雨惓惓頻過從新詩藹  
藹許傳看不知白舫青簾下清夢還從繞上蘭余亦贈  
詩云遂初賦後謝朝簪帆影依依潞水潯綸閣纔瞻卿  
月迴錦江猶望法星臨恩膏棠棣巡方徧清遠溪山結

契深此樂班行誰不羨雲鴻軒舉振高岑  
草堂小築  
碧湖端扶杖將車選勝便蓴菜秋風時正好杏花春雨  
夢休辜客來爲結香山社興至宜尋藥玉船記取榮名  
追畫錦粉榆盛事話他年

潘司馬

汝謙

字立亭號泊村又號榕堂歸安人丙辰丁

巳進士由松溪令歷濮州牧南安同知舉最來京寓興  
勝寺夜集用東坡聚星堂禁體雪詩頤刻而成余贈詩  
云人擬密州蘇學士門多稷下魯諸生題余晴川曉渡  
圖云羣紀論交已三世羨君綺歲富清製乘車洛下玉  
爲人奪簞侍中星是使記否晴江畫鼓搗佳兒坐膝散  
晨衙舊陰棠舍新桃李皇華一路生光華前旌揚越迢

遙去桂海網徧珊瑚樹自來水部例能詩何況大夫工  
作賦芳草晴川無限情昔年萍泛武昌城翦江風雨雙  
飛燕得似仙槎緩緩行

鄂文端集庚申中秋與姚念慈潘立亭東軒小集向夕  
微陰少焉月出坐對素心人老子興復不淺因用庚韻  
末句劇憐一出清光繞不愛姮娥愛友生

潘大令

汝龍

字健君號椒漁又號散畦汝誠弟丁巳同

中進士選松溪兄泊村先宰是邑故嚴海珊贈詩有三  
間屋兌東西陸一曲歌傳大小馮之句李玉洲

重華

賦

五古贈行陳勾山太僕集有潘健君松溪近稿題辭蘋  
洲水暖春明逋客之廬人海風高秋送官人之旆輪蹄

未已寒暑再更本非斷裾而來未免倚閭之望毛生捧  
檄道出吳門梅福之官郵連越嶠一行作吏池魚籠鳥  
之心舉室登仙駕鳳鞭鸞而去爰釐舊什更譜新詩猥  
以鴻裁屬爲小序所愧西湖漁子南海羈人邈邱壑以  
難忘迫滄桑于旣閱菅騰一夢鴻飛無雪之鄉襍被重  
來桃笑多風之院沈疴甫脫偏易逢蝦怯膽未堅終難  
說虎况乃千莖素髮十丈紅塵而地寒螿一聲去雁鈴  
馱異騷壇之席星霜豈歌酒之辰臨水登山悲哉爲氣  
子南我北休矣何言願猶收召吟魂齋居小閣追摹吐  
霧浪騁雄詞毫欲腐而神來舌猶存而炙盡敬禮揖陳  
王之座了其因植而傳太冲款元晏之門謚轉藉思而

重吁嗟乎山林朝市雖隨境爲轉移官職聲名總因人  
而清濁或折腰而抗節或障扇而包羞黃散非榮關津  
豈賤江梅破曉盈眸何遜之詩山鷓啼昏滿耳都官之  
句向慢亭而置酒九曲紅雲過螺女以尋真三郎白馬  
余膺所服特霧豹之一斑子患多才將雲龍之莫狀杭  
堇浦贈詩藉甚潘懷縣看花別上京江帆衝雪度嶺嶠  
傍楓行地僻增遊境詩清減宦情劇知行部處一邑盡  
溪聲有泊宅詩鈔

古檀詩話載武林雜詠云銀濤白馬三千甲澹柳春隄  
十二虹芭蕉云雨聲半夜盡來枕天色一條剛到檐松  
聲云鐘昏小院人談虎雪滿空山客罷琴

沈太史

雲 雲 雲

字戟瞻號蘭圃歸安人丁巳庶常早沒幾

無知其名者近見袁隨園詩話載輓詩云仙山樓閣本  
茫茫容易青年到玉掌底事曇花才一現已蒙上帝遣  
巫陽明知病體頽唐甚何事問關萬里來想是神仙厭  
鄉土特教玉骨葬蓬萊幾度蓬門歇小車揮毫同習上  
清書而今難字從誰問旅櫬灰停一寸餘半年湯藥滯  
天涯腰瘦何人報沈家少婦昨宵家信到催君迎看帝  
城花

高司馬

植

字大升號槐堂怡姪丁巳進士除德化知縣

陞揚州同知袁隨園贈詩百韻推爲江左循吏之冠其  
敬勝堂集中勘災捍水散賑等作直追元結春陵終江

甯通判丁巳吾湖有三高之目刺史士超字大心大令

翰字谷修俱擅文名

談明府諱曾字松亭九乾子雍正乙卯拔貢宰陽武作

宛南雜詠三十首其鄧州偶懷云繡野春林粉堞城秦  
封莫問穰侯名何如一曲漁家傲風送花洲晚笛聲自  
注范文正知州事開百花洲遊譙作漁家傲詞

張刺史兌和字東源號繡園烏程人丙辰舉人四川酉

陽知州家有鵲峙石南宋尚書沈介物先伯宰彭水時  
贈詩石傳鵲峙尚書墅亭記鷗波承旨家倡和成軼歸  
田十餘年頗得林居之樂書做李北海至老耽之以子

金管官襄陽守受封

沈孝廉

榮樞

字謙之號荷港樹本姪丙辰舉人有句云

秋涼徧天下客夢到林間人稱沈秋涼有竹翠溪館詩

稿爲柯南陔

煜

沈椒園

廷芳

沈歸愚

德潛

桑葢甫

調元

論定子承風

鼎生

于余乙卯南旋見示遂跋而歸之

閔晴巖寄懷詩走馬裁詩早擅場十年贏得瘦而狂幾

回相對疎窗下秋雨秋風滿院涼又留研草堂看菊詩

版屋衡門水一隈幾叢紫豔映蒼苔東籬秋色佳如許

只欠王宏送酒來

論翁集謙之姪同鄧尉看梅示詩末句云便欲把茅巖

畔住可能從我飯胡麻弟榮簡字振之乙卯舉人俱以

詩名時有兩到雙丁之目

孫徵士

汝馨

字叔芬號沅亭錢塘教諭

仕隆

子宮允約

亭先生從姪也丙辰舉人薦舉鴻博以數隘不果貧而  
餬口四方晚乃掌教崑岡書院詩甚奧衍惜齒僅踰艾  
有深竹映書堂稿今錄其韶州趨英德山石奇秀欣然  
賦詩於此晴巒闢雲障愛此孤舟漾怪石條異觀峯峯  
各殊狀陰崖光被日飛煙渺杳嶂垂藤猿猱攀傍嶼寒  
沙漲生平亦嗜奇疊石森相向我行慙山川飢驅愁俯  
仰蕭颯赴長途箱篋悉摒擋一編陶柳詩微吟慰清况  
山鳥時一鳴茶煙卓午颺會心如不遠所得乃清曠子

寐

工詩

費洲士

瀛

偕子心如

蘭先

同中己未進士心如爲杭堇

浦門生有留飲卽事詩言返臨溪宅重來立雪門放歌  
期白首託志抗清尊下溟田何有聯珠集尙存今朝寒  
意重風過一燈昏時五經卷不避本省故得出杭門下  
洲士卽用教授心如卽用安肅知縣後亦改教

凌教授

樹屏

字保釐已未進士宰咸陽改嘉興教授有

集進四庫館而未之見

章黃門

寶傳

字習之號硯屏祐菴子壬戌進士由中書

厯吏部郎中改御史轉禮科給事父子同垣皆止是職  
閔晴巖集有同舟出都倡和詩經義有誰堪作僕詩名  
原自不論官蝸同莊叟憐渠門鶴異羊公任客觀時給  
事成進士未用故云趙耘菘翼冬夜讌習之前輩宅詩

云選舞徵歌集畫堂消寒共作少年狂酒推大戶先衝陣詩讓名家獨擅場照座玉山裴叔則勸杯金縷杜秋娘殘冬常厭更籌緩今夜如何夜不長

孫進士

貽武

字紹衣司空孫乙丑進士從沈方伯赴左

江道任卒于南甯詠吳越王云鳳舞龍飛地脉優挺生人傑說婆留潮回龕楮三千弩地擁金湯十四州承寵樹皆披錦繡稱藩臣自息戈矛櫛風沐雨辛勤甚圓木驚眠老未休

徐太史

璋

字勗武號藥渚德清人壬戌進士以編修丁

卯主貴州試晚主愛山書院

徐太史

開厚

字恭壽號芑泉以升子乙丑進士授編修

早歿張學使

拜廢

字球渚長興人乙丑進士刑曹視學

陝甘江西終郎中集皆俟訪

董封翁

燧

字謂瑄號訥夫承勳從弟諸生薦舉鴻博封

文林郎輯董氏詩萃有南江詩集力追韓杜出語驚人  
與沈綸翁東甫莫逆甲子子正金城歿豐垣景坡同登  
賢書嚴海珊哀詩算盡復誰代並舉連枝芬樂爲哀所  
奪起起龍蛇聞九原不可作誰歟定吾文金城字亢之  
辛酉拔貢有少客詩豐垣字暨之辛未進士宰建德癸  
酉同考與主考夢麟同年相得次年以薦卷門生稟託  
被參開復終扶溝令

沈孝廉

樹德

字申培號畏堂東甫從叔辛酉拔貢副榜

甲子舉人杭堇浦范浣浦有沈節母貞松慈竹圖詩隨園詩話載落花詩云飛燕蹴歸簾影裏游魚吹起浪花中

沈觀察

榮昌

字永之號省堂涵孫乙丑進士由文水令

愿守懷慶鞏昌升雲南陝西江西鹽糧道少與姚雲岫

宗伯

成烈

同學敷文書院寄內詩深院蝶嬌無語坐小

園花嫩卷簾看戊午同姚中式寄詩云辛勤二老訓喃

喃愛婿猶如愛長男甘脆每教常健飯苦吟猶記許分

甘

袁隨園贈詩太行山色一官收怪底新詩詠未休立馬

身當河內水

河決時立水中

紀恩碑滿晉陽秋相招小住聽黃

鳥幾箇同年贖白頭寄語南衙姚散騎故人爲我好句

留

雲岫亦同年

又竹墩過訪詩桑柘成陰處芸香舊世家沿

村無異姓繞屋有奇花

玉蘭二丈

御筆泥金冷藏書玉冊

斜桃源兼錦里別自貯仙霞煙波如此好底事出山忙  
想爲家貧仕兼酬海內望官登二千石婚到第三郎代  
作焚香禱旌旗近故鄉三郎指觔西水部隨園子爲觀  
察堦

閔孝廉

文山

字晴巖烏程人辛酉舉人著在陬詩鈔多

無題詩並題海鷗小譜一絕因好尋春耳聾不仕姪

惇

大久從問業喜歸里云已有凌雲期李廌未妨勒帛斥

劉幾太史本名探大下第改名故云

張大令

守約

字力民號禮門秋水子辛酉舉人江西石

城令閔晴巖潞河舟中同力民昆季作簾間暮雨吟紅

蠟篷底秋風話碧尊

沈樹爍

字楚材歸安廩生嘗有三生稱意鴛鴦扇十載

盟心蛺蝶圖之句故閔晴巖懷人詩云香匳婉變足清

狂兒女情多笑沈郎慣向詞壇誇麗句從今也合號鴛

鴦

宋觀察本名鉞應烏程縣試吏誤書越師曰逢戊則走

此佳兆也果于戊午中舉戊辰成進士戊寅升郎中戊

子卒福建糧道任詩集未傳

沈封翁

棠臣

字持謙號愛廬宮贊姪廩貢以子榮嘉封

中憲大夫福建糧道積學未第著愛廬詩鈔竹溪筆談  
吳興詩話續羣輔錄題余皇華集由來水部例能詩一  
卷皇華絕妙詞兩世東華騰物望十年北闕滯曹司閔  
晴巖懷人詩綺席頻開夜正中一春遊賞與君同酒闌  
燈地歌珠滑手寫新詞付小紅余題詩集詩騷壇耆碩  
數東陽鐘呂元音儷漢唐死得雙溪香一瓣歸然羣仰  
魯靈光

朱刺史山字懷仁號壽巖歸安人辛未進士任彰化令  
以強項聞被劾民爲罷市渡海保留者數千人大吏白  
其事擢灤州牧調昌平以蝗案下詔獄旋命往直隸  
仍以知縣用補房山令工墨牡丹畫松及山水酒酣落

墨旁若無人載畫徵錄詩筆亦復超脫姜

宸熙

寄詩鹿

耳洋邊島雞籠嶼外洲山疏徵晚稅海雨作涼秋番市  
紅毛酒官衙白板樓蠻兒騎竹馬爭拜郭并州

外舅沈榆村先生

作霖

字雨倉維菴學士曾孫爲諸生

負盛名丁卯舉人壬申進士廣西平南令己卯庚辰同  
考賦菊影八首膾炙人口恐是天花不著盆紛紛凡豔  
敢同論銷沉寒氣風無力刻畫秋容玉有痕自古牆東  
高遁跡此時澤畔靜吟魂葛巾敲側間相對倦聽疎林  
葉打門一頻煩招隱謝劉安留取風神晚節看鬚觸紙  
屏蜂覺瘦翎翻粉壁鶴知寒本無心與嚴霜競那有聲  
隨落葉乾寄語陶公須著眼莫教松下獨盤桓二把酒

傾殘老瓦盆三三徑外費尋論騷人佩有陸離色靜女  
妝無鬪掃痕霜後乍迷寒蝶夢雪前暗引早梅魂君看  
落木蕭蕭下衰柳殘煙冷白門三籬落驚風颭未安可  
如素壁對花看懶除病葉因憐瘦軒舉高枝爲傲寒白  
舞不妨秋扇棄相輝轉惜露螢乾靜中會得延齡訣那  
問登高客姓桓四多情玉女罷翻盆清景當窗細細論  
世外煙霞深沒骨壁間醉墨淡成痕橫斜不插樊川鬢  
蕭瑟應招楚客魂此後月明秋興少更關延伫未扃門  
五比瘦空憐李易安風簾捲處試重看暗蛩四壁暮煙  
淡早雁一聲秋水寒歲晚未愁雲鬢改夜長莫放蠟珠  
乾鏡中金翠無顏色逸韻何人及孟桓六霜天殘月落

金盆錯與黃花一色論隱矣泥蟠甯門彩仙乎蟬蛻不  
留痕密傳碧落姮娥藥清逼澄江帝子魂衣白有人來  
送酒蕭然夜色淡柴門七沉淪心事久相安榮悴都從  
象外看無意窺牆爭宋豔偶然對月怯郊寒星橫處士  
輝常隱水汲斜河浸未乾不比春花飛滿地笛中梅落  
任吹桓八詞旨悽惋如朔管胡琴在平南作潯州土風  
詞四十餘首可補郡志其詩集因在省捐館不知遺亡  
何處傷已余甲午使粵感懷詩云讀書巖畔忝持衡往  
事心摧樂廣清鶴化天涯曾灑淚鶻啼嶺表舊傷情遺  
文未見門生守廉吏長留身後名椒醕欲陳無路達灘  
江淼淼又沾纓

錢安伯港歸安思溪人早慧工詩文二十一沒有遙山

堂集詩一卷王立夫序沈淪翁輓詩玉折蘭摧事若何  
籤勝零落舊巖阿西窗茵苔東軒桂斗覺淒風苦雨多  
時值丙辰鄉闈外舅經紀其喪遂不應試

嚴司馬

文典

字惟謨號葆林歸安人壬申進士海珊送

詩細襪平康穩步遲昔年被放夜來時如今售得千秦  
策忍檢紅窗錦字詩時已悼亡後官曹州同知

汪復亭部曹

照

爲友人靜圃

尚仁

大父康熙壬子經魁

訥思先生

以澄

孫也甫舞勺補博士弟子員蜚聲黌序

與胡石田太史

彥穎

同研席爲制藝昌明博大靜圃收

拾遺稿並訥思文刊以行世弱冠後薦而不售且善病

不復應試杜門卻掃潛心經學間爲韻語如上巳值清  
明節云流觴值寒食怪爾雨冥冥誰續韓翃句重遊蘭  
澤亭鬥雞煙乍散試馬酒初醒劇愛春三好尋芳孰肯  
停南湖秋泛云鯉魚風急碧雲天爽挹南湖泛畫船楓  
柏林邊花騎過荻蘆洲畔白鷗眠攜尊欲就陶彭澤照  
影還同賈浪仙山色波光淨如拭清音何必奏絲弦若  
春晴不出戲作絕句云敢負東風舊日盟花明柳暗最  
關情家居笑似他鄉客門外無人識姓名則自爲寫照  
矣晚年病向愈胡太史先因事遣戍亦釋回掌教安定  
書院重敘羈邕之好太史老而無子遺婢生男

復亭子中書君

曾裕

字雲溪幼而穎異亦工吟配金安

人順 畫眉閨彥時有唱酬官京師抱病歸卒年纔二十  
四詩亦散佚子 尙仁 於殘帙中得春遊一律云綺陌遊  
遊控紫駒風光駘宕似憐吾蛾眉寫柳青條踈雁齒排  
欄翠袖扶多謝東鄰心許宋轉愁西子笑歸吳傷春最  
是嬉春處休說重過碧浪湖蓋將次北行之作又吳興  
竹枝云織得三梭到五梭絡絲打線手工多勸郎休要  
隨常看一寸心機一寸羅陳敘土風有合謠俗

德清戴樗園明經

履雲

屢躡塲屋乾隆壬申三策冠塲

以首藝作偏局屈置副車座主知其宿學甚惋惜之與  
蔡應山明府

書紳

爲內兄弟文字相得應山歿於官以

墓誌諉誣曾有句云翦燭西窗快論馳春風霏屑起

時難忘執手丁甯語有道東郊碑合垂授徒三十餘載

一聽所教取科名如拾芥如威曉塘廉使蓼生許春巖

方伯祖京徐西灣編修天柱松塢農部天驥于未揭曉

前皆能決其名次不爽徐恕齋廉使以升自江西歸田

與樗園朝夕過從題襟酬唱道貴堂燕集云折簡相招

歲序新堂開綠野集嘉賓李韓譜誼時猶昨樗園尊人

沂與恕齋爲甲午同年秋園名振羣紀交情跡未陳豪興有餘還繼火衰顏

既醉復生春筵間客自爭浮白投轄無煩效昔人西灣

太史在都時與子論家鄉讀書正士每稱道不置惜子

未得一親道範耳

德清徐柳樊大令以泰歷任山西絳縣陽曲令有賢聲

丁卯與兄南墅

以震

試北闈南墅以五經中式柳樊下

第留京同錢籜石許勛宗諸前輩遊萬柳堂分賦云春  
衣初試薄裝綿風色江南二月天隔岸小山荒疊疊照  
人新水碧年年偶攀芳樹沈吟獨共上平臺指點先魚  
板僧房還問訊兩三疎影斷橋邊菜甲方新柳似殘不  
勝煙柳拂闌干重來選勝宜三月無計成陰感萬端遊  
女尙攜芳草屐酒人徐簇杏花鞍尋詩可得追松雪好  
句終當做好官收句蓋用陳簡齋書生得句如得官句  
也詩筆蘊籍傳誦一時著有綠杉野屋集

柳樊又有繡毬花四絕寄懷託興詞亦雋雅一堆細簇  
玲瓏玉四面低垂穩重花賴是春風無氣力不隨飛絮

走天涯拋擲年華感萬端綠陰紅雨又春殘海棠庭院  
鞦韆畔錯引狸奴認蝶團判白批紅各自春滿城桃李  
盡爭新月燈不斷香雲合袞袞愁牽袖手人忽分羸局  
與輸籌場外支頤動遠愁裁翦儘勞天女手生平不上  
美人頭

吳興詩話卷七

吳興詩話卷八

烏程戴璐菴塘輯

紀太僕

復亭

字元禪號心齋烏程人乾隆壬申翰林改

御史轉吏科歷太僕寺少卿詩集極富僅訪得其少作如西湖雜詩中錯到東窗真鑄鐵相來南渡慣傳薪蟋蟀吟殘金井月鷓鴣啼到木棉庵未經人道其謝文節卜硯則見畢制府所刻詩云建安山下公潛走徒旅奔亡惟石友側足橋亭卜肆中元黃血盡淚餘紅相看故國俱何處墨湧蒼波卷朔風北去淒涼公不返墓田寒雨空碑版同心賴爾表艱貞徧刻夷齊作誌銘遠過一片韓陵石留伴千秋玉帶生滄桑閱世如公在記得庚

申渡遼海一時球璧感興亡  
敲火還飛紫電光  
醉客滿堂誰敢唾  
開簾起坐月如霜  
贈來死友珍逾玉  
猶見當年

交信錄

見登山文集

太僕辛酉遊天津運使倪象愷署階前產文杏二株賦詩  
結句看取階前及第花  
是秋與倪公子存謨同雋  
廖古檀景文寄詩云  
官齋合念雙文杏  
細雨東風香滿林

太僕與先君交厚丙子寄懷云  
東陽官舍冷書斷已經  
年雲氣晨窗溼松聲驟  
雨懸愁多知白首貧極剩青瑣  
舊日長安月清光到酒邊  
丁丑遲公車不至云  
貧士來京洛艱難若上天  
愁心春水緩遠思月華圓  
慘淡緣家累屏營候券錢  
昔時親故少誰問孝廉船  
及先君官儀

曹寓同巷晨夕倡和消寒會必有詩同會者錢少宗伯

載邵蔚田師秦西巖師顧晴沙前輩乙酉春余陪遊城

西高梁橋至萬壽寺口占六絕有桓驄不顧旁人避也

踏春泥乘興來之句先生卽刻屬和又見余和沈青齋

啟震十聲詩亦卽和作並示詠物體格心感弗諼

太僕丙戌同考房卷獨少有遣興詩趙耘崧翼和云採

得芳菲聚一家却分林杏幾枝斜定知一樣春妍處愛

惜偏深手種花燒尾筵看一隊新出羣定屬阿誰身將

兵何必多善只要行間有用人知音雖別屬鍾期春

酒同來介壽祺莫以敬容殘客待有人偏感寄生時一

般鐵網入波深偏是明珠轉易沈此意至今文士感手

持敗卷惜文心先生衡文一次而得劉侍郎

躍雲

李臬

使殿圖

秦司業

潮

薦卷吳侍郎

省蘭

金狀元

榜

亦云盛

矣

蔣苕生

士銓

留別沁園春云翰林主人御史大夫文章

有靈只風騷跌宕隨時自得神仙遊戲與物無爭紙閣  
蘆簾錦衾角枕梁孟偏旁著豔情房櫳梢在琴邊酒畔  
仍是書生鏡中遠遠山橫又何取俛寒軟玉屏但填成  
小令凭肩教授歌來綺語逐字丁寧燕貼香懷蘭窺好  
夢蚤誕嬌兒授六經敲詩夜恐聰明小婢還昵康成  
蔣苕生懷人詩漢廷用通儒風流侍御史高文典冊手  
時復調宮徵綠窗按紅牙佳人啟玉齒後懷人詩瞻星

弔文人爲君發長歎平生冰雪文埋沒塵沙間弁山長  
冬青孤雲空往還則公已下世矣晴沙六客詩中亦感  
及之先生京邸書籍手自丹黃不輕假人有滌硯圖名  
輩多有題詠自假歸掌教淮陰講堂被水書卷飄失歸  
里未幾旋卒僅遺弱女依母僑寄蘇州無從訪覓遺集  
曷禁慙然王申尙有江大令聲字希哉由庶常改青縣  
令張進士映樞字秋庭詩文極富俱俟訪求

潘廣文輝字照庭號毀齋作梅子辛酉拔貢樂清教諭  
有浮玉山詩張秋水觀舟次作書詩長爪兩眉青臨流  
仿道經家雞真可愛小筆欲通靈水檻懸星燦風帆帶  
墨馨好登雲閣去海口勒新銘

鄭儀部

步雲

字蓀揆號養田歸安人壬申聯捷甲戌考

中書庚辰己丑同考戊子主湖北試歷禮部郎中有題  
天女談禪圖詩法苑徒傳燈燄青魚山梵唄入空冥先  
牛舌底蓮花吐惹得天仙洗耳聽可是眉娘繡絹攜法  
華七卷具參稽他時選佛登場去應界前溪作虎溪又  
遊石門洞詩

楊大令

興邦

字榮南號仁山歸安諸生與鄭儀部齊名

癸酉拔貢朝考第一高明南甯知縣嘗有句云鳳皇橋  
下是儂家沈雲椒冢宰同年虎邱相值不獲晤語寄詩  
云西陵一夢曉煙消虎阜相聞寄語遙最恨鴛鴦湖上  
水生來不到鳳皇橋

業師屠平圃先生

階雲

字武青歸安諸生與鄭楊名埒

南北屢試不售夙與吳孝廉

鑿

葉持伯詩

姜笠堂

宸熙

友善倡和稿都不存楊仁山招往高明笠堂送詩云芳草動離愁天涯賦遠遊一槎橫漢水萬里到羅浮白葛經冬卸紅棉趁雨收炎荒風物好且爲荔支留壬辰歸里喜晤又贈云華鬢重逢萬事非風塵回首淚沾衣可憐十載蠻中客旅橐惟攜一硯歸後主高郵書院五十丸方中庚子舉人兩上公車七十而卒

璐撰行述

葉方伯

佩燕

字丹穎號辛麓又號聞訑歸安人弱冠中

庚午舉人甲戌進士由兵部主事歷湖南布政使精研易理著易守詩集六卷裘文達

日修

許以崆峒非爾敵

也之譽如望綿山弔介子推云路盤千嶂轉聳牙忌坂  
驅車落日斜寒谷微茫連雀鼠悲歌慷慨憶龍蛇當年  
白水心誰誓終古青煙髻欲鬢至竟難求偕隱跡雲嵐  
合沓萬重遮又聞喜謁裴趙祠

裴度趙鼎

涑水春流繞郭斜

郭門雙柏舞神鴉功成淮蔡三更雪運盡錢塘十里花  
異代精靈同感激中興事業等紛拏故園一體還祠廟  
伏臘遺孫尙幾家嘗賦雁字三十首尹文端公歎絕錄  
其尤者蔚藍天色玉光鋪鳳泊鸞飄絕世無假爾豐毛  
紛倒薤生來不律借銜蘆昭回星斗文星賦揮灑風雲  
筆陣圖可是中郎飛白體石經真跡在鴻都蚩冷符刻  
漫紛紛點染天工獨不羣曉帶霜威裁白簡夜籠霧氣

草元文濡毫飽蘸三霄露署尾斜拖五色雲樂府曾歌  
中瑞見秋風綵筆記橫汾綠章可待乞天公箋奏遙傳  
碧落中不在語言惟曳白有何羈怨慣書空斜陽閃背  
金泥燦霽雪梳翎玉筋工最是關山飛欲倦數行小草  
苦怱怱點染天池付雁王祇今真種更飄揚將飛復整  
迴波秀漸遠如無削牘忙體變八分猶鳥跡天開一畫  
本鴻荒銀河秋老稀烏鵲錦字重勞訊報章來賓萬里  
有逢迎子墨端應號客卿太液秋涼催染翰曲江春暖  
待題名靈飛真本摹難肖羽化仙書蠹不成何處興酣  
驚落去蓮華峯頂掃崢嶸柳色天容抹汗青徧探五嶽  
寫真形釋文未錄常訛乙難字無多畧識丁好事議刪

毛穎傳羣仙邀草羽皇銘更收墨妙吾州去揀箇蘆灣  
別築亭時有胡紆臣鳳岡同賦擊鉢而成工力悉敵如  
雲裏嵐光看掃壁雨餘虹影待題橋訂臣埭溪貢生辛  
未進士騰蛟之兒

吳學使

巖

字懷峯號桐村烏程南潯人辛酉舉人仁和

教諭以巡撫匿災白請學使雷翠庭師據以入告撫軍  
落職丁丑成進士官刑部久不得遷賦落葉詩八首沈  
東田及余均和未幾晉郎中主試貴州視學山西所拔  
多名士善飲工繪自題山水詩多清絕余送使黔詩賈  
董文章開瘴癘荆關圖畫富雲煙公爲擊節歸養時封  
翁年屆九十公亦六十余送詩云抽帆不是爲鱸莼花

擁籃輿樂事真三徑煙蘿歸畫本五湖雲水屬詩人膝  
前靈壽時扶杖池畔長生試采蘋周甲豈知頭尚黑堂  
前看舞綵衣新公喜極欲繪爲圖終養來京卒於會館  
蔣太史茗生輓句星節雲司懷老宿詩壇畫苑弔神仙  
公於添建會館落成賦環字韻倡和盈壁在西曹修律  
表龍臬使承祖梓行詩集求之不得偶於宸垣識畧中  
見在京游覽詩函錄以誌一斑

張明府

守愚

字直夫號心柳秋水次子丁卯舉人嘗繪

耕田識字圖諸名家多題詠與先君同困公車迄癸未  
公猶赴試未第時先君官儀曹余方釋褐爲詠杏子詩  
以贈云文杏原珍木纍纍金彈丸不教林外落爭向掌

中看衫色全輸嫩儒生乍洗酸花開曾幾日又見子登盤

司訓石門賞識陳翰林

萬青萬全

辛丑猶上公車題先

君詩集云讀罷遺文意愴然故人牘對墨痕鮮柝聲催  
後輪蹄寂猶記豪吟隔戶傳八載容臺位業彰宦緣強  
半卷中詳當年若使成廡仕那必留貽勝墨莊選梁山  
令卒官

徐州牧

德元

字達三號芷堂烏程人丁卯舉人四川漢

州牧在京偶詠秋海棠不期而和者數百家彙訂成帙  
競以徐海棠稱之

葉明府

興

字千里歸安人丁卯舉人雲南祿豐知縣改

桐鄉教諭博學好古詩亦清拔遺集散失僅記贈辛麓

方伯詩云此身不了免園丹每飯不忘龍井岡

先大夫諱

文燈

乾隆甲子南元與劉少宗伯

星煒

同出

董文恪公門下壬申除東陽教諭宗伯贈詩云如此才  
人寄冷官更攜藤笈出長安故山清遠紆殘夢初雪  
逡巡拍曉鞍行脚地須淹信宿打頭屋且耐酸寒闖  
風他日應遲汝猜作東陽瘦沈看曲臺家學鯉庭餘  
早歲詩名動石渠綠綺有聲猶掩抑青冥無力借吹  
噓仙人雞犬多通籍楚客筵尊自卜居深淺畫眉憑  
醜鳥再來遲暮轉愁余到任後次韻寄都門同好云  
瓠落嗚然滯此官上書敢復憶嚴安折腰紅綬虛留  
帶絡首青絲不稱鞍別後定知憐甫瘦貧來猶望  
薦郊寒可堪梅子黃時

雨西北高樓極目看一椽容膝已無餘新漲頻添溜決  
渠屏上笑看鹽豉挂觚間愁對竈煙噓牽船差勝張融  
宅開徑難同庾信居舊雨不來今雨歇青苔衣冷獨憐  
余時東陽無鄉舉已二十年先君實心課士戶外履滿  
丙子己卯其中四人且有中進士如趙廷璋葉蓁趙睿  
榮皆門下門生也丁丑始釋褐官儀部公暇常與諸名  
流爲消寒文酒之會丙戌卒官韋約軒同年謙恆輓句  
八年議禮留經術四海論詩失典型詩集極富刪定靜  
退齋集刻之吳中吳蠡濤觀察俊時尙未遇題後云澄  
淡中儀滯一官向平婚嫁未全完游山詩律宗諸謝閱  
世風波涉萬灘卧病文園憐骨瘦長貧吏局歎裘寒一

編幾歷泥沙劫真作靈光萃業看雄名陡起碎琴餘宛  
轉花驄騁御渠四海論詩推正始一生愛士費吹噓博  
昌身後甯無客丁令歸來未有居讀罷遺編紛涕淚片  
言知己最憐余時觀察丙戌下第落拓京華一見決爲  
偉器以姪孫女歸之果於壬辰登第屢典文衡今廉訪  
嶺南蔣太史茗生丁亥懷人詩云四十上春官遂佐宗  
伯曹雞棲馬如狗自感匏齋匏夫君以窮死誰復矜才  
高辛丑後懷人云斑斕露文綵俛首官儀曹車棲馬如  
狗飲酒猶能豪齋志芙蓉城宋玉將誰招董大司農誌  
墓云先文恪公嘗稱學粹品純命余師事施太常 朝幹  
表墓稱先生之學在東陽則士服其教而科第始興在

京則今董尙書爲高第弟子先生之才則凡章奏集議  
敷陳敏瞻羣賢斂手蓋太常同在儀曹故言之親切乃  
爾

臧觀察

榮青

字藜閣號理谷長興人丙子丁丑聯捷遊

張球渚刑部

拜廣

學幕著江右草客閔峙庭先生幕著

山左遊草由四川新甯知縣歷鳳陽知府岳常澧道所  
至有廉平績吳白華

省欽

使蜀時宰中江贈果狸燒春

酒白華答詩結句腐儒例寒凍壹醉愧無益夢到下若

村雲卧弄漁笛庚戌祝

釐來京適屆六十余祝詩霜

蕭澹帷面洞庭廿年勛業重南溟風清皖上歌膏雨澤  
普湘中仰法星廉石堆來無別嗜崇蘭佩處有餘馨荷

衣闕坐懷前日誰似先生眼倍青

理谷歷官楚蜀績茂靡平集有感遇詩旖旎溫柔似不  
類其爲人蓮花莊上接橫塘十里風疏水檻涼小槩划  
來菱葉路隔船驚起野鴛鴦時樣低鬟黑似鴉愛渠全  
不鬥鉛華髮香夜半回鴛夢開滿雙頭茉莉花昨夜燈  
前笑語頻紅珠斗帳暗生春眾中瞥見羞迴避知汝聰  
明信解人六州有鐵鑄難成一錯真教遺百盟未必有  
人嗔薄倖箇儂何以謝卿卿

蔡司馬

亮茂

字仲淵德清人丁丑進士宰崞縣升太原

同知集尙未見

沈學士

咸熙

字熙人號蘭陔東田子隨任楚北賦白桃

花詩庚辰翰林改刑部轉御史父示以詩云卅年遊宦  
 別端公此日重看桂一叢篔簹裏應增新白簡門前還記  
 舊青驄好將肅振酬清望莫漫委蛇學乃翁古柏自來  
 誇正直扶持豈特仗神功視漕淮上又示詩云鶴雛乘  
 傳駐淮陰片紙飛來乞早臨好在勿驚增老態歡逢旋  
 怕勸歸心自知水淡能延算莫望雲深欲挂簪攬罷芙  
 蓉先寄簡春風一翦渡江潯後轉內閣侍讀學士卒余  
 哭詩云軒開飼鶴侍芳塵淚灑西州感昔因謂東田先生每  
 對黃壚頻念舊獨邀青眼倍情親蹉跎同步臺端柏夢  
 寐常懷洲上蘋有約歸田公頓逝他年誰作耦耕人  
 唐進士琦字立方號冰溪府學諸生屢試冠軍庚辰中

二名辛卯成進士年逾五十不赴選久客吳間卒年七十五惟愛潔與人罕合身後門人僅梓時文一編

孫廣文

益中

字擔斯庚午舉人客素有天下冬皆至秦

中客未歸句姚改之先生極賞之爲續句云好詩如玉瑄古調在金徽

姚茂才

世錚

字蘭成蕙田弟諸生與吳少司空白華客

九江高司馬署同作譙樓崇禎古礮歌雨館同作云歡言宗雷侶風絃理孤賞異縣結同岑覲面神已爽白華歸次泖口食鮒寄懷云潯陽江上相思字名士真多似鮒魚又弟午晴同客工畫有西塞山居圖白描讀書圖白華俱有題句高東井

文照

賦長歌

吳興詩話卷八

吳興詩話卷九

烏程戴璐菴瑤輯

乾隆癸未榜下分部十七人浙省居九吾湖中四人俱  
用部員一時稱盛乃徐松塢天驥高謙谷葵報滿後旋

卒皆無子惟費道峯同在工部十年過從最密今亦已

矣道峯名南英字希文金吾從孫四歲賦無花果詩無

花能結果可謂天下奇未見花開日但聞結果時丁卯

舉人久困公車屢充教習癸未方成進士官工部由郎

中改御史升內閣侍讀學士甲午主試山東癸卯主試

雲南甲辰會試分校少卽愛吟忽自燬棄僅存使滇一

集沈東田贈入臺詩十載星郎聲譽豪一行魚貫又恩

叨南臺重望新霜簡束閣才華舊水曹繡服更添錦繡  
貴花驄仍入粉圍高職居清要無餘事兩地迴翔不憚  
勞乙巳千叟宴已列名矣甲辰秋病至臘底不起時費

侍御

孝昌

以藏年不與惟歲貢蔡環黼

年十六

十五監生歸噴

年六入宴吳同年白華

省欽

輓句云怪疾紛纏歎請急

旬餘誰繼驚蛇飛鳥耆年設讌悵溘先朝露空吟鬻駱

辭楊余輓詩寒風蕭瑟撼庭槐淒斷黃壚輟酒杯怪疾

何期隨臘盡華筵竟未及春來鄉邦終失三台望

吾湖久無

三品朋好同增九辨哀冉冉芙蓉城徑去排雲無路叫泉

臺四十登朝遇未遲纔離講席步曹司初由郎望升蒼

珮兩任清卿步赤墀諫草焚來官不負藥籠收得美無

遺試看絲竹堂前客多少  
銜恩淚雨垂髮齡攀慕羨先  
鞭迨入冬官許並肩鷺羽追趨  
循後進霓裳共詠忝同年  
情殷縞紵衣頻解興寄笙歌坐  
必聯今日夔虻虛對影不堪重  
聽四條絃佳話曾傳集錦窠清  
溪二妙早摧柯但餘爾我追歡  
慣忽判存亡感逝多禽尙山遊  
嗟未遂羊求徑遠恨如何淒其  
無限人琴痛搔首都歸薤露歌  
其餘五人蔡梵珠履元以書名終御史湯鑑堂粵棠  
終吉南贛寧道徐兩松嗣曾撫閩畫像紫光閣沈觀察世燾  
罷官奔走四方惟費芸浦中丞涪久任滇藩今撫江左在京施太常朝翰亦十七人中之<sub>一</sub>也

徐松塢字德士芑泉子庚辰舉人癸未進士戶部主事

文弱好學篤于友誼年甫三十感時疾卒無子余哭以  
詩云青袍共踏杏園春常向東華躡後塵筆格珊瑚才  
不世尊翻鸚鵡讎還頻通眉長爪恒憐賀朗月清風獨  
憶詢今日人琴長已矣山陽笛咽劇傷神八年濡沫重  
苔岑曾記攀條潞水潄君似驂騑方得路我如燕雀未  
投林飄蓬無限窮途哭贈麥頻煩知己心雙淚正垂還  
自慰片言猶得訣牀衾纔將清淚灑榆枌駭絕蓉城又  
召君不料酒壚虛道故那堪泉路竟同羣池塘夢杳悲  
春草車笠緣空感暮雲二妙一時零落盡招魂何處問  
靈氛高謙谷字青如病卒松塢經紀其喪未及半年亦  
逝松塢兄 天柱 字擊士號西灣幼卽能詩見南陔堂集

己丑以第二人及第自宗伯以下五世翰林曹地山宗伯贈聯前身慧性摩麟角六世清聲冠鳳池兩充同考官直上書房假歸不出今沒矣

沈廣文

春煦

字巽巖慶曾孫庚午優貢己卯舉人桐廬

教諭僅見其汪氏雙節詩云兩紀盟心金石堅空閩辛苦記前緣雙飛中路憐單翼重負千鈞賴並肩十指養周家入口一經課勝里三遷梅花嶺外魂歸處若見烏頭定黯然小人母亦誓共姜四十年來百苦嘗自愧賢書稽墨檄虛期史筆記秋霜報難寸草心同結聽到慈烏淚欲滂無那顯親輸孝子徵詞三復九迴腸蓋巽巖嗣母守貞故言之悱惻昔年共踏名場未錄其詩令子

環英才又沒恐遺文零落亟全錄之巽巖與嚴熾南

光

元家兄鳳超

宗基

己卯同舉屢共公車過從最密熾南

將宰貴州未赴而歿先兄方補教習亦卒於京曷禁人  
琴之感

陸廣文正夫

端

師子入籍儀徵己卯舉人有句云亂山

銜落日一鳥下寒空見梧門詩話

凌大令

夢曾

字星巖號江峯烏程人庚辰舉人辛巳進

士宰四川南都余送詩云嘉陵江水向城環勝地無嗟  
蜀道艱劔外山蟠千仞峭聞中花映數枝斑風聞民俗  
蠶桑重定識官齋雁鶩閒此日琴堂勤課最鄉邦前輩  
可追攀謂費雲軒曾宰此邑子瑞珠年十二題隆昌縣

南石谿亭詩小桃齊放舊梢青  
婉嬾遙嵐敞翠屏約略  
百花潭畔見畫橋紅影落谿亭  
隆昌志誤稱閨秀汪駕  
部遂選入擷芳集中

孫司馬

梅

字松友號春浦潛村先生孫壬午優貢乙酉

南元己丑進士由中書轉太平同知早以詩賦擅名兼  
工四六歷校南闈得阮閣學芸臺曾一夕六疊潘司馬  
和聚星堂韻

孫太守

岳灝

字梯岑號舟若岳薦弟戊子舉人伊陽知

縣捕匪被害贈知府有詠秋草詩云八月園林飛蛺蝶  
六朝宮殿臥牛羊人目爲孫秋草又送人官粵西詩云  
斜日一帆飛畫鷁西風千嶂出羚羊

閔太史

思誠

字中孚號讀山峙庭中丞次子戊子舉人

辛卯翰林篆於文酒三校禮闈典試陝西改刑部後頽然自放未幾卒余悼以詩云笛咽山陽不忍聽修文人去感柯亭花磚久步名偏早玉尺頻持跡屢經接武方輝郎省宿臨關猶朗使臣星一臺二妙皆零落曾記秋

原痛脊令

兼悼裕仲編修

閔太史

悼大

字闕中號裕仲中丞從姪戊子舉人壬辰

翰林終編修在館十年假歸主愛山書院卒無後集中詠冷布涼棚詩最佳其題余皇華集云科名三葉並穿楊風月人推水部郎早向碧霄騰鳳采新馳紅旆到蠻方玉參秀擢層阿桂藤映陰留先世棠并入奚囊富清

製星輅所至有輝光松陽教諭陳香純琴川用湘管齋  
韻悼輓詩京華顛顛幾人同曾許聯吟坡與谷山陬官  
冷遠相憐魂返楓林春草綠騎箕定上白雲鄉屋梁落  
月人埋玉贈言重疊札盈笥遺什沈吟淚灑竹香純庚  
寅舉人有詩名

陳考功壩字厚堂德清人乾隆乙未翰林時陳文恭爲  
大教習課以秋燕厚堂詩云空庭落葉洗秋光輕燕猶  
看繞杏梁簾押試風金翦短井欄墮月夢魂涼紅牆晝  
永曾留語香逕花寒又斷腸狼籍秋容歸未得烏衣巷  
口自斜陽清砧蕭瑟響秋城猶認風簾舞羽輕繡幕方  
池成舊夢杏花春雨是前盟寒鷺別院霜紈影夢斷空

江玉笛聲莫向天涯辭社去故巢珍重主人情文恭歎賞不置以爲不減袁景文散館改吏部未補卽卒二詩見梧門詩話

潘孝廉

本泰

字平子號侶初散哇子壬午舉人屢應

召試高東井贈長律云當代論風雅香風起弱髻辭看鮑庾俊賦挾馬楊驕猥以芳蘭契還憐桐尾焦襟期異萍合蹤迹感蓬飄溪館聯詩夕汀洲策馬朝以下皆西湖讌游語

姜秋島

虬綠

別號海樵歸安諸生本樊澤人築室烏程

弁山之麓遂終老焉室近黃龍洞撰金井志李肯菴先生守湖時五月二十日祭龍神屢造其廬學使雷翠庭

先生試湖日亦往訪焉生平著述甚富次子檢之文學

宸熙

一字笠堂能傳家學以諸生客遊足跡半天下庶

寅偕門人陳崇本入都與費道峯酒闌話舊口占云醉  
別江樓已十年蹇驢忽遇鳳城邊故人新作蘭臺客野  
老猶耕潁上田歸與自生孤劔外鄉心同話一尊前家  
山昨夜秋先到望斷吳雲萬里天有陵陽山人集入卷  
古今體皆有法度秀水諸襄七太史錦敘以爲淡遠處  
似韋柳樂府如西海謠如吁嗟篇短古擬陶如山居諸  
作長篇如遊玲瓏洞如題羅漢圖詠物如秋柳如落葉  
如紅豆遊覽如西湖如江遊如蒼弁諸詩匠心獨運諸  
體各臻其妙人疑海樵父子東坡斜川余謂笠堂才藻

不僅鳳毛也其真重於名流如此檢之詩鈔刻於關中  
板留不歸檢之沒後數年楊拙園茂才知新偶見其手  
稿讀之大驚卽買舟訪其家故居已易主子貧乏幾不  
能自存詢其遺詩散失殆盡惟餘印本一帙取以相贈  
拙園慨然太息爲重刻之

孫太史

辰東

字楓培號遲舟歸安人庚辰舉人久困公

車專精舉業壬辰會元榜眼名重一時校書勞瘁境貧  
致疾庚子同考卒於內簾年僅四十五文人之厄無以  
過之有種紙山房集其題汪氏雙節詩字字真摯寄懷  
汪龍莊詩風雨聞雞夜蕭齋廣廡聯浮萍一披散芳序  
幾推遷尙有幽棲約都無負郭田輸君清興在高詠九

峯前

馮廣文華字位三歸安思溪人少從榆村先生遊長居  
杭庚辰舉人書法直追松雪詩不多見近於阮吾山司  
寇秋雨停尊圖見其題句云傷心往事赴淮流玉軫虛  
懸又幾秋猶記紅螺相對處雨邊燈火水邊樓耿耿孤  
檠照鬢絲蕭然清影是相知寶釵明鏡情多少總在停  
杯不舉時退直難廢獨酌謠梧風竹雨冷清宵蟲聲未  
止雞聲曉那有詩情賦早朝終仙居訓導接任爲德清  
蔡環黼字拱其丙子試古學第一屢應 召試歲貢入  
京校書不應京兆試年六十五恰值乙巳千叟 賜宴  
賦詩晚歲而叨榮遇選仙居訓導年七十餘卒

庚辰同年菱湖孫氏三人除遲舟太史外學正行川

凌

雲爲庠中名宿從者如雲五十方登賢書閱讀山昆季

皆其弟子七十外授國子學正銜七十九尙欲來京竟不及赴行川專攻時文詩未之見又廣文升庸

級

亦名

諸生癸未同號舍論詩甚邃七十方選會稽教諭未及赴任而歿記其汪氏雙節詩云聞道梅花隔庾關陌頭何處望夫還幾年薄宦塵封篋千里長征月破環離恨銜將填瀚海旅魂招得奠家山湘江莫詠叢篁淚稽箭春來點點斑班上慈姑膝下兒零丁門戶共支持高秋風鶴頻驚夢永夜燈檠慣忍飢表節於今生死異同心自昔鬼神知雲章捧出褒題字藉慰泉臺別後思他如

宋豐垣

夢齡

早歿姚考叔

廷元

陳寶傳

炎

皆任學博崔

庾村

修耜

柏太春

秉元

皆作宰溫華飛

鶴立

成丙戌進

士宰黃岡沈勗存

驥雲

任州同章裕軒

光晉

現宰應城

獨升庸得官而未克赴傷已

丙子春受知寧化雷夫子補博士弟子員同案凡二百

人試後入都惟章湖莊

銓

孫心湖

功烈

嚴琴仙

肇壻

王

琴甫

步瀛

柏太春

秉元

章裕軒

光晉

沈溟南

杏洲

俱以

會試沈彥初

焯

陳無軒

焯

以鄉試謁選在京時相敘晤

甲寅歸里訪舊城中僅方署輝

題柱

昔爲白晳少年今

鬚鬢皓然年六十五無軒亦六十三同往歸雲菴卽席

贈詩云歸來握手訪羊求仙侶同舟鬢各秋人集湖船

盡耆碩詩留湘管半賡酬

無軒齋名

高峯未遂扶筇列韶景

先憑倚檻收堪羨晚香林下備鳴琴久頌治齊州心湖  
幸淄川歸無軒候銓學博琴甫居鄉湖莊宦閩琴仙宰  
玉門太春羈楚未歸裕軒宰應城溟南宰楚南彥初久  
客中州升沈聚散感慨係之

蕭山汪龍莊

輝祖

未第時客遊吳興與孫遲舟

松友

友

善代徵二母雙節詩無體不備摘其尤佳者紀太僕云  
城山表桂接秋旻鳳詔雙衰姓氏新合向金包稱接武  
比將嬰日不冢巾冰霜慘冽摧慈竹頭角崢嶸見石麟  
地下藁砧定含笑代終閨閣兩完人徐西灣云刀環夢  
斷哭薜蘿一室零丁屬藐孤患難相看憐怖鴿養飡無

計慰慈烏兩人心跡蚤依歷百事艱辛蓼與荼讀罷斯  
編三太息春光此日照泉壚張心柳云征軺過嶺恨飢  
驅大婦持家小婦俱草草生離成死別惻惻母老更兒  
孤寒深松柏枝交翠摘後菘菘心暗枯乞得旌門雙鳳  
詔題坊已悵沒存殊章裕軒

光晉

云提孩出戶誓黃壚

盼到家成力並劬要使弓裘千禩續敢辭風雨百憂俱  
素娥月耐三分冷讓木偏憐半樹枯航塢山南坊豈岌  
將雛愁聽夜唳烏孫嶠賓

寅東

六首用三肴韻蔡茂才

星查

百韻長律高東井先作二律少佳句復作五古長

篇各極其妙龍莊梓行盈帙海內名家搜羅已徧謁選  
時來徵拙作珠玉在前殊難下筆勉題夜績課兒圖以

塞其請

張太守

金管

字青子號柯坪兒和子少工楷法隨任西

陽先茶星伯贈詩云琴調中郎書右軍通家年少孰如

君例授黃州通判余送詩云勝絕齊安郡城環江水長

前型懷宋玉

謂宋牧仲

故壘問周郎風月今樊口詩篇古雪

堂臨池知不厭題徧竹樓旁酉陽保薦十年不得領郡

柯坪以別駕不數年守襄陽迎養官署旋以勞瘁卒官

孫明府

祥鳳

字擊九號巢阿其仁孫久幕通路壬午鄉

舉出西壩師門塞外寄威晴川太守詩鷹飛晴繞千山

日馬邑秋開萬里霜書寄故園惟旅雁酒來絕塞有明

駝風格直追盛唐晚宰汶上有聲著春雨廬巢生平篤

於族誼有從孫茂承孤露撫之成名今官南河司馬子

寧衷

能詩贈余五古雅有體裁

孫蘊山

益謙

字遙求紱子以諸生久遊姚宗伯

成烈

楚

北幕府有江行詩云黃昏枯坐蠟燒殘不待哦詩強自  
寬數尺江波千點雪此中滋味最清寒歸里後某閩督  
以重幣聘薄某爲人堅臥不出著經畚堂詩子洛如教  
諭錢唐贈如其官

侯駕部

健融

字一蜚歸安南雙林人十三世秀才一蜚

丁酉舉於鄉來京校書葉方伯邸所作恒不示人甲辰  
冠南宮蔡漳浦有國士無雙之目官兵部器重尤加以  
貧病交迫南報滿而歿時閔裕仲卒於書院余弔以文

云講席塵封方慟心於闕貢元燈光黯復惋歎於夷門

甲辰尙有長興丁

士穎

未選而歿德清沈莪溪

維坤

字

含光官刑部改助教兩充同考亦以貧病而歿均可傷

也

士穎字效曾號遂軒

孫羨門太學

霖

字武水歸安人徵君沆亭

汝馨

長子也

祖仕隆

官錢塘教諭遂僑居杭州少從厲樊榭杭堇浦

遊克紹家學弱冠與丙寅閏上巳西湖修禊事詩刻雅

集中乙亥雷翠庭師歲試吾湖拔置古學第一聲名藉

甚家貧不得已以名法遊謀潔白之養浮湛紅蓮綠水

閒非其好也其菱湖追暑云散熱宜侵曉尋幽覓小船

拖藍橋外水滴翠樹梢煙堂古閑閑在支分葉葉賢菱

波塘名塘好風景清暑抱琴眠卜築三閒屋娛親一畝園謂

舉叔自楚歸里綠深煙竹密紅重露花繁曲渚魚兒唼

迎養大母也虛庭燕子喧濯纓還濯足茗雪水清渾過蓮花莊云搖

漾煙波杳寒空山翠分試尋南渡跡極浦只荒雲僧倚

夕陽樹樵歌隱士墳刺船何處好導我有鷗羣又白華

窩云古杭飄泊廿年餘暫向東皋賦隱居賓至小留仍

拓落堂成背郭劇蕭疎銜泥處處巢新燕灌圃朝朝翦

異蔬生事眼前聊短述相期努力奉潘輿池邊草色正

當門地僻差無鳥雀喧幾卷遺書留手澤千秋舊德溯

心源最傷廉處看山癖鎮耐飢時養拙尊重補白華懷

東哲東西老屋滿煙痕茅湘客廣文和韻云寓公化雨

澤宮餘三葉移家此卜居位置琴樽足清暇過從鄰曲  
半生疎山如西塞仍穿牖地近東園便翦蔬無限明湖  
好煙水儘借芝玉奉籃輿高門流寓等清門人境而無  
車馬喧嘯詠湖山饒唱和翦除荆棘有淵源令祖廣文  
著書頗掃  
除異論世家天水都魁重昆友諸侯上客尊閉戶此  
閒還映雪素心不少破苔痕刻有羨門山人詩鈔十一  
卷中各遊臺灣之作最奇特板留閩中流傳絕少其未  
刻稿尙倍之

徐茗花主政

以坤

戊子舉人以國子博士應

武英殿

總校四庫全書授主事清癯好潔終年食粥似隱侯畏  
風如蟄燕密處一室寒暑不輟簡編學業淵博胸蘊恢

奇錢百泉太史

世錫

出都贈行詩云輝輝學業媿前模

辨析精嚴政可娛樵李湖蕁聊自適漫郎聲士任人呼

兒童頷頷憐鄉里師友淵源溯大儒庭訓更聞三不惑

風流合與小坡俱謝傅教兒自作模傳家清白絕嬉娛

遺書已勝籛金積抗疏曾同折檻呼

君先世以貢士疏劾魏璫規矩

喟然溫雪子呻吟卓爾漆雕儒六經奧蹟如河海昕夕

應教枕葑俱又寄猶子恭生中翰

秉愿

云五陵裘馬自

輕肥杜老題詩淚滿衣賴有阿咸堪入社故家風氣尙

頎頎菑畚經訓傳韓法肅穆家庭守石風臧獲先餐鄰

撲棗十分元氣一家中茗花又用小蘇韻寄恭生云寒

燈無燄漏三更惱煞瀟瀟夜雨聲春草池塘空入夢輸

他共對古彭城轉盼春光宰地歸落花如雨更如泥白  
家隄上裙腰綠付與斜陽倍慘悽情深詞婉蒸生次韻  
亦佳燭斜人靜漏三更如聽蘇堂舊雨聲成佛生天兩  
何處優曇一現夢蓉城風木驚心歲十更餘酸未退每  
吞聲父書空守年華逝蕭瑟猶然唱渭城遙想朝元

紫禁歸聯翩折簡踏香泥愧無夜火春風句日遠長安  
意轉淒錢塘一片城西水前度追遊印雪泥眼隔湖山  
春盜盜那教旅邸不增淒大小阮詩筒郵遞不異王氏  
多才

孫茂才

人楷

字式君號鵠亭貽武姪負才不遇終於諸

生父爲太倉王相國外孫家藏煙客奉常壽冊題有西

田舊蹟良足珍畫聖詩仙誇絕筆之句其遣懷詩云少  
日騫飛雲際鶴新來癡鈍凍餘蠅但宜蓑笠終千畝那  
羨輕肥耀五陵絕異不平之鳴貽武子光俊字瀛登廩  
膳生亦有文譽詩尙未見

吳興詩話卷九